



Här Claude Wiseler

President vun der Chamber

Lëtzebuerg, den 8. November 2024

Här President,

Esou wéi d'Chambersreglement et virgesäit, biede mir lech, dës parlamentaresch Fro iwwert **d'Placementer vu Kanner bei Fleegefamillen a Strukturen** un den **Här Minister fir Educatioun, Kanner a Jugend an un d'Madamm Justizministesch** weiderzeleeden.

D'Reforme vum Jugendschutz a Jugendstrofrecht gehéieren zu de wichtigste Gesetzer am Beräich Kanner a Jugend, déi am Laf vun dëser Legislaturperiod sollen ofgeschloss ginn. An dësem Gesetz ginn ënnert anerem d'Modalitéit vu Placementer geregelt. Fir dës Aarbechten optimal kënne virzebereeden an ze begleeden, sinn eng Rei vun Informatiounen néideg.

An dësem Kontext erlabe mir eis folgend Froen zu **de Placementer a Famillen** ze stellen :

1. **Bekannt sech d'Regierung zum prinzipiellen Engagement fir eng progressiv Eliminéierung vum Placement an Institutiounen a fir e Placement a Fleegefamillen?**
2. **Wéi vill Fleegefamille gëtt et aktuell zu Lëtzebuerg? Wéi huet sech dës Zuel iwwert déi lescht 10 Joer entwéckelt?**
3. **Wéi huet sech d'Zuel vu Placementer bei Fleegefamillen an de leschten zeng Joer entwéckelt?**
4. **Wéi huet sech d'Zuel vun de Kuerzzäitplacementer an bei Fleegefamillen an der selwechter Zäit entwéckelt?**
5. **Wat war déi duerchschnëttlech Dauer vun engem Placement bei enger Fleegefamill iwwert déi lescht 5 Joren?**
6. **Wéi vill Réckféierungen aus enger Fleegefamill bei déi biologesch Famill goufen an de leschten 10 Joer probéiert? Wéi vill dovunner waren definitiv? Wéi laang hunn d'Reckféierungen déi net erfollegräich waren an der Moyenne gedauert?**
7. **Mussen d'Fleegefamillen reegelméisseg u Formatiounen deelhuele? Wéi ass de Suivi vum ONE oder eventuellen "Agents régionaux" bei de Fleegefamille ugeduecht? Wéi kann eng Qualitéitskontroll assuréiert ginn?**
8. **Ginn d'Fleegefamillen op d'Konzept vun der "Sécherheetsorientierter Praxis" (SOP) sensibiliséiert?**

Zu **de Placementer a Structure** stelle mir de Ministere folgend Froen:

1. **Wéi vill Institutiounen gëtt et insgesamt am Klengkand-Beräich, am Kannerberäich an am Jugendwunnen? Wat ass den Duerchschnittstaux vun der Beleeung?**
2. **Wéi huet sech dës Zuel iwwert déi lescht 10 Joer entwéckelt?**

3. **Wéi huet sech d'Zuel vu Placementer an Institutiounen an de leschten zéng Joer entwéckelt?**
4. **Wéi huet sech d'Zuel vun de Kuerzzäitplacementer an Institutiounen an der selwechter Zäit entwéckelt?**
5. **Wat war déi duerchschnëttlech Dauer vun engem Placement an enger Institutioun iwwer déi lescht 5 Joren?**
6. **Wéi vill Réckféierungen aus enger Institutioun bei déi biologesch Famill goufen an de leschten 10 Joer probéiert? Wéi vill dovunner waren definitiv? Wéi laang hunn d'Reckféierungen déi net erfollegräich waren an der Moyenne gedauert?**
7. **No wéi enge pedagogesche Methoden gëtt mat de Kanner wéi mat den Elteren geschafft? Ass d'Sécherheetsorientéiert Praxis (SOP), déi vum ONE favoriséiert Method? Wa jo – gëtt des an de Formatioune wéi der Qualitéitsentwécklung vermëttelt an encouragéiert?**

Mat déiwem Respekt,



Djuna BERNARD

Deputéiert



Sam TANSON

Deputéiert